


Taco Stein, presidente di comision cu a traha rapport siguridad:

Mas castigo no ta solucion pero mester cuminsa cu enseñanza



ORANJESTAD(AAN): E rapport cu a worde discuti diamars den Dialogo Social cu a trata e tema di Seguridad, a worde presidi pa Abogado General Taco Stein, kende tabata presente den e reunion di diamars atardi tambe. Dialogo Social ta e plataforma cu Gobierno di Gabinete Mike Eman a scoge pa tene un consulta mas amplio riba temanan cu ta regarda Aruba y pa haya

un consensus mas amplio riba e maneho cu Gobierno kier hiba.

E comision Seguridad pa Aruba a worde a worde instalado di e propio gremionan participante den Dialogo Social 2012. Tarea di e comision - cu tabata consisti di dirigen- tenan di Husticia, Enseñansa y di comunidad - tabata kico mester haci pa baha criminali- dad y cu menos hende ta bira

victima di delincuente. E comision a traha durante mas of menos cinco luna riba e contenido. Loke cu a resalta den e rapport cu no ta papia di siguridad sec, sino tin otro aspectonan cu tambe ta hunga un rol. Por ehempel e comision ta haya cu enseñansa mester haya mas prioridad y cu e hobennan ta sinti nan mes sigur na school.

For di e vision di e comision,

si mehora enseñansa e drop-out lo bira menos y ta haya personanan mas productivo den comunidad. Tambe a studia kico Cuerpo Policial mes por haci, sin cu mester bay na ampliacion di e cuerpo. Por ehempel a pensa riba "verschuiving" di tareanan pero tambe kico e ciudadanonan mes por haci na bienestar di nan seguridad. Por ehempel, un miho "opvang" pa e muchanan despues di school cu nan no ta cay den criminalidad; kico por haci den e barionan mes pa evita delincuencia.

Den esaki e comision ta kere cu tin un trabao pa loke ta worde yama awor Polis di Bario, cu lo por yega na co- laboracion cu otro organiza- cionnan den bario pa controla e criminalidad. E serie di so- lucionnan cu nan ta sugeri a worde parti den tres forma:

solucionnan a corto plaso, y termino medio y largo plaso. E ta kere cu si kier busca un solucion den mantene e muchanan mas na school, mester busca un actividad pa nan haci tambe, ya cu de lo contrario e lo no duna resultado. Hopi placa extra esaki lo no trece cune ya cu mester bay traha cu loke ta existi caba, segun Taco Stein.

Hopi lo pensa pa impone mas castigo, pero na opinion di Stein, mas castigo lo no trece e reaccion cu hopi hende ta pensa cu e lo duna. E no ta asina simpel, el a bisa. Cerca e hobennan e castigo mester tin sentido y cu nan mester siña algo di dje. Castigo halto lo no percura un persona ta comete menos delito. Mester percura cu e hendenan tin menos chens di cay den criminalidad.

Dia 9 di april ta sigui cu Dialogo Social riba Seguridad:

Mike Eman: Minister di Husticia ta bay duna reaccion riba rapport di expertonan di seguridad



ORANJESTAD(AAN): Un comision consistiendo di exper- tonan y hopi aña di experiencia a traha un rapport amplia riba e tema di seguridad, cual a worde trata diamars atardi pa anochi den e prome Dialogo Social 2013 unda cu a discuti den pro- fundidad tema cu regarda pue- blo. Ya anteriormente luna pasa Gobierno a topa cu gremionan unda cu a repasa loke a palabra aña pasa, con leu a yega cu che- cucion di e palabracionnan y cual ta e temanan cu lo worde discuti den 2013. Despues di esey a keda palabra cu dia 12 di maart lo sinta pa discuti profun- damente e tema di seguridad.

Un tema cu a cuminsa trate caba pero cu a dicidi pa laga

un comision chikito di experto studia tur e problema y posi- bel solucionnan. E rapport di e comision ariba menciona a keda discuti den e plataforma di Dialogo Social diamars atardi. Prome Minister Mike Eman a splica cu e rapport a worde re- pasa y a keda palabra cu lo bay scucha reaccion di Minister di Husticia y Ministerio di Husticia den e proximo encuentro cu lo tuma luga dia 9 di april awor.

Den e siguiente reunion mester yega na un conclusion cu ta worde carga door di tur e gremionan sindical, comercial y Gobierno. Esaki mester ta pun- tonan concreto di kico mester haci pa mehora seguridad. "E ta hopi importante cu den en-

cuentronan manera esaki ta tra- ta ademas di asuntonan social, tambe seguridad cu ta afecta calidad di bida; ta importante pa nos hendenan sinti nan mes sigur den nos comunidad. Y pa esey e ambiente tur rond mester ta sigur y sano. Esey ta un re- sponsabilidad primordial di Go- bierno y Cuerpo Policial, pero e ta un responsabilidad den cual por involvi comunidad grandi, haciendo un forza grandi pa haci Aruba mas sigur ..." Eman a indica na mesun momento cu un decision importante tuma den Consejo di ministronan ta cu lo bay cera un protocol hunto cu ELMAR pa den e lunanan cu ta bini mehora iluminacion rond Aruba. E Prome Mandatario a señala cu durante su bishita den barionan algo cu a destaca den e deseo di e habitantenan ta, mas iluminacion. Ta spera cu pa diamars otro siman firma e protocol "Iluminacion y Segu- ridad den Bario" unda cu bay pone iluminacion. Tin un lista di

40 bario cu a registra durante e bishitanan cu mester di mas ilu- minacion. A haya cooperacion di Ministerio di Husticia hunto cu DPI, y Minister di Utilidad pa haci un esfuerso grandi pa bini cu puntonan di luz nobo y renobacion di algun otro bieu.

Di e manera aki Gabinete Mike Eman ta cumpli cu un deseo grandi cu ta existi den practica- mente tur bario cu Prome Min- ister Eman a bishita. Pues bari- onan cu no tin luz den un tempo relativamente corto lo haya e iluminacion.